
OFFERYNNAU STATUDOL CYMRU

2005 No. 1514

Rheoliadau Asiantaethau Cymorth Mabwysiadu (Cymru) 2005

RHAN 5

MATERION AMRYWIOL — ASIANTAETHAU

Hysbysu newidiadau

30.—(1) Rhaid i'r person cofrestredig hysbysu'r awdurdod cofrestru yn ysgrifenedig cyn gynted ag y bo'n ymarferol i wneud hynny os bydd unrhyw un o'r digwyddiadau canlynol yn digwydd neu y bwriedir iddynt ddigwydd —

- (a) bod person heblaw'r darparrydd cofrestredig yn rhedeg yr asiantaeth;
- (b) bod person yn peidio â rheoli'r asiantaeth;
- (c) bod enw neu gyfeiriad y darparrydd cofrestredig wedi'i newid;
- (ch) bod unrhyw newid o ran ymddiriedolwr, cyfarwyddwr, rheolwr, ysgrifennydd neu swyddog arall tebyg i'r darparrydd cofrestredig;
- (d) bod unrhyw newid i fod o ran pwy yw'r unigolyn cyfrifol;
- (dd) bod derbynnydd, rheolwr, datodwr neu ddatodwr dros dro wedi'i benodi o ran y darparrydd cofrestredig; neu
- (e) bod yr asiantaeth yn bwriadu peidio â gweithredu neu fodoli fel y cyfryw.

(2) Rhaid i'r darparrydd cofrestredig hysbysu'r awdurdod cofrestru yn ysgrifenedig ac yn ddi-oed o farwolaeth yr unigolyn cyfrifol neu'r rheolwr cofrestredig.